

名臣

莆田縣志稿
林岵瞻修

寫

名臣傳

宋陳靖字道卿祖沆梁開平進士爲天雄節度以事
知梁政必亂棄職歸王審知欲辟以官堅不聽
仁瑩仕陳洪進爲泉州別駕宋初勸洪進納
祖嘉之授檢校膳部員外郎泉州錄叅靖好學
古今爲陽翟簿契丹犯邊靖遣從子上書求入奏
機畧詔就問之上五策曰明賞罰撫士衆持重示
弱待利而舉帥府許自辟士而將帥得專制境外
太宗異之改將作監丞遷太常博士太宗務興農

事有詔議均田法靖議曰法未易遽行也宜先命
大臣或三司使爲租庸使或兼屯田制置仍擇三
司判官選通知民事者二人爲之貳兩京東西十
里檢責荒地及逃民產籍之募耕作賜耕者室廬
牛犂種食責州縣分殿最行賞罰候數歲盡罷官
屯田悉用賦民然後量人授田度地均稅約井田
之制爲定以法頒行四方不過如此矣太宗謂
端曰靖策合朕意乃召見賜食下三司雜議以
爲京西勸農使命大理寺丞皇甫選光祿寺

亮副乏選等言其疏難成始報罷出知婺州再遷
尚書刑部員外郎真宗卽位復列前所論勸農
又下三司議皆不果行歷度支判官出爲河南
運使極論前李氏橫賦於民凡十七事詔爲罷其
尤甚者又歷京西京東轉運使知鳳翔府以
秘書監致仕靖平生多建畫而於農事尤詳其
說泥古多不可行靖嘗遜宅爲興化軍治居于檟
欖巷卽今陳宅是也致仕後天聖三年進潁川郡
開國伯卒贈尚書左僕射子六人長甲見選舉志

餘皆以父任補官孫惟德字微之以靖任補太廟
齋郎爲長樂縣尉嘗辨隣邑服毒之獄誣者得釋
知雷州罷採珠戶終其去未嘗取一珠再知連州
州有東湖舊入守爲圭田惟德收其息以還公帑
清謹剛介官至虞部郎致仕卒

蔡襄字君謨其先世居仙遊至襄遷莆之城南曰蔡
宅爲莆田人年十八登天聖八年進士甲科爲
京留守推官館閣校勘范仲淹以言事去國余
論救之尹洙請與同貶歐陽脩移書責司諫高若

訥不言由是三人皆坐譴襄作四賢一不肖詩都
人士爭相傳寫契丹使鬻其書歸張於幽州館
歷三年仁宗更用輔相親擢靖修及王素爲諫
襄又以詩賀三人列薦之帝亦命襄知諫院襄喜
言路開而慮正人難久立也乃上疏謂任諫非難
聽諫爲難聽諫非難用諫爲難三人忠誠剛正必
能盡言臣恐邪人不利將造爲禦之之說其說有
三一曰好名夫忠臣引君當道論事惟恐不至若
避好名之嫌無所諫則土木之人皆可爲矣二

好進前世直諫之臣率皆激於忠憤遭世昏亂死
猶不辭何好進之有三曰彰君過諫諍之臣蓋以
司過舉耳人主聽而行之足以致從諫之譽何過
之能彰願陛下察之時有旱蝗日食地震之變襄
以爲災異之來皆由上下闕失不顯聽斷不攬威
權使號令不信於人恩澤不及於下此陛下之失
也持天下之柄司生民之命無嘉謀異畫以矯時
弊不盡忠竭節以副任使此大臣之失也朝有難
政而不能正民有疾苦而不能去陛下寬仁少斷

而不能規大臣循默避事而不能斥此臣等之罪也陛下既有引過之言達於天地神祇矣願思其實以應之疏出聞者悚然進直史閣兼修起居注襄益任職論事無所回撓開寶浮圖災下有舊瘞佛舍利詔取以入宮人多灼臂落髮者方議復營之襄諫曰非理之福不可徼幸今生民困苦荒服驕慢陛下當修人事奈何專信佛法或以舍利有光推爲神異彼其所居尚不能護何有於威靈天之降災以示儆戒顧大興工役是將以人力排天

意也元昊納款始自稱兀卒既又譯爲吾祖襄言
吾祖猶云我翁慢侮甚矣使朝廷賜之詔而亦曰
吾祖是何等語耶夏竦罷樞密使韓琦范仲淹在
位襄言陛下罷竦而用琦仲淹士大夫賀於朝庶
民歌於路至飲酒呌號以爲歡且退一邪進一賢
豈遂能關天下輕重哉蓋一邪退則其類退一賢
進則其類進衆邪並退衆賢並進海內有不泰乎
雖然臣切憂之天下乏勢譬猶病者陛下既得良
醫矣信任不專雖有和扁難以責效保州卒作亂

推懦兵十餘輩爲首惡殺之以求招撫襄謂不可
開驕慢暴亂之源詔盡誅之以母老求知福州改
福建路轉運使開古五塘溉民田奏減五代時丁
口稅之半復入修起居注唐介擊宰相觸盛怒襄
趨進曰介誠狂愚然出於進忠必望全貸旣賤春
州又上疏以爲此必死之謫得改英州進知制誥
御史呂景初吳中復馬遵坐論梁適解職襄不草
制後每有除授非當者輒封還之帝遇之益厚賜
其母冠帔以示寵又親書君謨兩字遣使持詔予

之遷龍圖閣直學士知開封府破姦發隱吏不能
欺以樞密直學士知福州郡士周希孟陳烈陳襄
鄭穆以行義著襄備禮招延誨諸生以經學作五
戒徙知泉州距州二十里萬安渡絕海而濟險甚
襄立石爲梁其長三百六十丈種蠣於礎以爲固
至今賴焉又植松七百里以庇道路閩人刻碑紀
德召爲翰林學士三司使校天下盈虛出入量功
以制用剋剔蠹弊簿書紀綱纖悉皆可法未幾謁
告帝命擇人代襄襄乞爲杭州拜端明殿學士以

往治平三年丁母憂明年卒年五十六贈吏部侍郎襄工於書爲當時第一仁宗尤愛之製元舅隴西王碑文命書之及令書溫成后父碑則曰此待詔職耳不奉詔文章清道粹美有莆陽居士集行於世乾道中賜謚忠惠襄三子勻旬旻皆蚤世襄卒朝廷錄其子孫以旬之子傳守將作監簿時方二歲母劉氏撫教之志在學古務實以養母不遊塲屋而學行益力歷朝奉郎通判南京留守司年四十三卽乞致仕著述頗多子三人櫛樞櫛櫛大

觀三年與從父佾同登進士歷官朝奉郎直秘閣
知泉州乃襄舊治櫺爲政得襄之家法人謂有祖
風烈官至朝奉大夫樞政和五年同從父伸登第
歷官西京提舉學司主管文字御史常安民在黨
籍人多䟽乏樞獨事以師禮提舉湖南學事時殿
中侍御史張所教授潭州未知名會所白事問曰
時事如此度今誰可任國事者所舉劉安世樞瞿
然曰自崇觀來禁錮元祐之學子爲教官乃敢伸
公論若是耶卽薦所後果知名年四十五慨然歎

曰先公掛冠之年吾已過之時方多事其可無功
冒寵乎丐致仕宣和末興燕雲之師主兵者欲引
樞爲謀議官樞以書止之楸自有傳餘見選舉志
陳彥恭字子愿先潁川人祖邁唐武德初令莆田始
家刺桐巷父侗嘉祐二年進士韓琦文彥博皆重
之富弼守汝州辟爲從事官至朝奉大夫衛尉少
卿彥恭元祐三年進士乙科調太平州司法擢編
修勅令所刪定官以事忤蔡京改宣議郎通判保
州代還京當國復通判代鞏二州鞏被邊官吏習

用庫錢彥恭獨守法具條其宿贓十餘萬風爲一
變熙州帥姚雄請以弓箭手墾田實邊宣撫使童
貫忌雄陰沮之州縣莫敢忤彥恭推行之歲得米
九萬斛貫至鞏守帥以下屬橐鞬拜道左彥恭獨
朝服揖貫滋不說坐罷復除提轄河東坑冶鑄錢
京以其黨王桓兼之桓欲增監鼓鑄其利數倍彥
恭曰山澤之利不可竭祖宗之額不可踰以此病
民吾不忍也桓怒以聞罷歸久之提點九路坑冶
彥恭冒風濤瘴癘周行萬里至課贏十倍入爲大

理正拜刑部戶部郎中以讒降監滑州酒稅尋知
壽春金人侵京師王室來告難彥恭讀詔書泣下
悉禁旅而西或曰世亂如此空一府無兵可乎彥
恭曰陛下安在而守臣欲留兵自衛耶旣而叛將
李安提兵及疆劇賊李全亦並城宵掠彥恭單騎
叩安營諭令討賊安聽彥恭乃擊全安以兵會之
斬全師還厚犒安等趣其兵西州以無事歲餘復
丐祠避地至會稽請老卒葬平江

陳俊卿字應求登紹興八年進士授泉州觀察推官

秩蒲秦檜察其不附已抑之檜死乃以校書郎召
累遷殿中侍御史首言人主以兼聽爲美人臣以
不欺爲忠湯思退專政疏罷之時災異數見金人
侵軼之勢已成俊卿力爲張浚辨讒數日移浚守
建康又言內侍張去爲陰阻用兵且陳避敵計搖
成算請按軍法上曰卿可謂仁者之勇矣除權兵
部侍郎金主亮渡淮俊卿受詔整浙西水軍李寶
因之遂有膠西之捷亮死詔俊卿治淮東堡砦屯
田所過安輯流亡金主亶新立申舊好廷臣多附